

Publicaziuns officialas dils 16 da matg 2025

Vischnaunca Trun

Damonda da baghegiar

Datum da publicaziun: 16-05-2025

Petent: Guido Albin, Via Isla 21, 7127 Sevgein
Representanza: Giachen Riedi, Via Principala 98, 7166 Trun
Object: Damonda per la midada d'intent dil clavau en localitads da deposit sin parcella 1995 a Plaun Rensch.
Zona: Zona d'agricultura (A)

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Sanaziun dalla via Fabrica

Preziadas convischinas e preziai convischins

La vischnaunca lai sanar la cuvrida dalla via Fabrica naven dils parcadis dalla banca Raiffeisen entochen sur la casa nova dils fargliuns Cagienard. Las lavurs entscheivan ils 2 da zercladur e cuozzan prevedentamein tochen ils 11 da fenadur 2025. Il traffic vegn sviaus sur la via Sogn Martin.

Bien engraziament per la capientscha.

Suprastanza communal Trun

Serrada via Munt muort tagl da lenna

Naven da gliendisdis, ils 19 da matg 2025 entscheivan las lavurs da derscher el territori dils Cuolms da Munt Dadens. La lenna vegn raccoltada cun la suga ord igl uaul. Damai ch'il plaz ei limitaus sto la via naven dils cuolms da Munt Dadens vegnir serrada per tut il traffic entochen mesjamna, ils 28 da matg 2025. Ei dat negina pusseivladad d'untgir.

A Planatsch vegn medemamein raccoltau lenna cun la suga. Leu eis ei da quintar cun temps da spetga durant il temps da lavur. Las seras e la fin d'jamna duess la via denton esser libra. En cass da damondas dat il selvicultur sclariment (081 920 20 46).

Uffeci forestal Trun

Corporaziun Alp Nadels Trun, Via d'Alp Nadels

Exposiziun publica dil territori cumpigliau e dil project d'exposiziun

Sebasond sin igl art. 38 dalla Lescha da megliuraziun dil cantun Grischun (LMG; DG 915.100) e sin igl art. 97 dalla Lescha federala davart l'agricultura (LAgr; CS 910.1) vegnan exponidas publicamein las sequentas actas.

Acts dall'exposiziun:

– mappa da project incl. territori cumpigliau cun il register dallas proprietarias e dils proprietaris da beins immobiliars participai

Liug dall'exposiziun:

Administraziun communal Trun, Via Dulezi 1, 7166 Trun

Durada dall'exposiziun:

Naven da venderdis, ils 16 da matg tochen gliendisdis, ils 16 da zercladur 2025, mintgamai durant las uras d'avertura usitadas dil spurtegl dall'administraziun communal

Legitimaziun da far protesta:

Il dretg da far protesta ha quel ch'ei pertuccaus dils acts d'exposiziun e sa far valer in interess dign da protecziun per l'annullaziun ni la midada da quests acts, sco era la vischnaunca pertuccada e las organisaziuns naziunalas per la protecziun digl ambient, aschi lunsch ed aschinavon ch'ellas han era il dretg da far in recuors alla Dertgira superiura al Tribunal federal.

Protestas:

Las protestas encunter ils acts d'exposiziun ein d'inoltrar en scret tochen il pli tard gliendisdis, ils 16 da zercladur 2025 (bul da posta) al Departament d'economia publica e fatgs socials, Ringstrasse 10, 7001 Cuera.

Uffeci d'agricultura e da geoinformaziun

Mortori

Bundi-Tomaschett Imelda, naschida ils 29 d'ust 1936 e morta ils 10 da matg 2025.

Controlla da habitonts Trun

Casa Depuoz Trun

Cun grond plascher beneventein nus Vus ils **17 da matg 2025** sin igl areal dalla Casa Depuoz. Naven dallas 10.00 dat ei la pusseivladad, da vuschar per in ni l'auter töff preferiu. Naven dallas 11:30 grigliada avon liug. Ils töffs serendan las 13:30 uras sin il viadi legendar. La sera cun concert da Dario Hess Band e Special Guests. Ulteriuras informaziuns sin www.casa-depuoz.ch. Nus selegrein sin Vus!

Mit grosser Freude begrüßen wir Sie am **17. Mai 2025** auf dem Areal der Casa Depuoz. Ab 10.00 Uhr haben Sie die Gelegenheit die Motorräder zu bestaunen und für Ihren Favoriten Punkte zu vergeben. Ab 11:30 Uhr ist der Grill im Einsatz. Die Töffe begeben sich dann um 13.30 Uhr auf die legendäre Ausfahrt. Am Abend Konzert mit Dario Hess Band und Special Guests. Weitere Informationen unter www.casa-depuoz.ch. Wir freuen uns auf Sie!

Turnier da divertiment per in e scadin

Gievgia, ils 29 da matg 2025 ha liug il turnier da divertiment per in e scadin. Ei vegn giugau dubel/mix. Ils participonts vegnan tratg ora tgi che gioga ensemen. Has ti interess? Lu s'annunzia entochen ils 25 da matg 2025 tier il meinaturnier Luis Caduff sut 079 596 60 78 ni per email luis@kns.ch. Sin stedia participaziun selegra

Club da tennis Trun

Club da skis Trun

Invit alla 76. radunonza generala, venderdis, ils 23 da matg 2025 allas 19.30 ella Pizzeria Da Stefano.

Tractandas

1. Beinvegni ed appel
2. Elecziun da 2 dumbravuschs
3. Protocol dalla radunonza generala dils 7 da zercladur 2024
4. Rapports annuals:
 - president
 - cau tecnic
5. Rendaquen e rapport dils revisurs
6. Fixaziun dalla contribuziun annuala
7. Elecziuns:
 - actuara
 - cau material
 - cau tecnic
8. Mutaziuns:
 - abdicaziuns
 - recepziun da novs commembers
 - honoraziuns
9. Informaziuns:
 - Swiss ski, adattaziun dallas statutas
 - Nordic culinaric
 - Informaziun Team Panda
 - Nordic Surselva
 - SST
10. Varia

Suenter la radunonza gudin da cumpigina ina tscheina. Cordial beinvegni e salids sportivs

la suprastonza

Uniun Trun Cultura

Invit alla radunonza annuala da commembers sonda, ils 24 da matg 2025 allas 14.30 uras el Spazi d'art Matias Spescha.

Uniun Trun Cultura

Museum Sursilvan Cuort Ligia Grischa

Dumengia, ils 18 da matg allas 14.15. Guida publica tras l'exposiziun d'art da Fortu. C. cun il fegl Jörg Cagienard. La guida ei cumprida el prezi d'entrada.

Sonda, ils 24 da matg allas 16.00. Vernissascha dall' exposiziun «Las quater ovras bibliofilas da Hendri e Matias Spescha». Introducziun els maletgs da Matias cun Alexa Giger, intermediatura d'art. Presentaziun dall'ovra da Hendri cun Renzo Caduff, romanist.

Presentaziun dil film «alla notg' cun Gieri Venzin, historicher. Enconuschents da Hendri e Matias Spescha raquantan dils dus frars. L'exposiziun cuozza tochen ils 31 d'october. cordialmein envida

il team dil museum

Visetas guidadas publicas a Glion

Öffentliche Führungen unter «Surselva»

Societad da tir vial Sumvitg

Tir obligatoric

Mira sut Sumvitg!